

Hmong - Ntshaw Vaajtsvv Ntawv - Lust Scriptures

Tswv Dim 15:9 Yeeb ncuab has tas kuv yuav lawv nteg kuas tau puab es txeeb puab tej hov txhua chaw lug ua kuv tug kuas txaus kuv lub sab, rhu hlo ntaaj ua phem tsua puab.

Tswv Dim 18:21 Qhov tseem ceeb koj yuav xaiv cov kws muaj peev xwm huv cov pejxeem, xaiv cov kws paub ntshai Vaajtsvv hab tsw noj nyaj xab hab tso sab tau, es muab puab tsaa ua cov kws kaav, tsaa ib txha kaav ib txheeb leej, ib txha kaav ib puas leej, ib txha kaav tswb caug leej, ib txha kaav kaum leej,

Tswv Dim 20:14,17 Mej tsw xob deev luas quaspunj quasyawg. 17 Mej tsw xob ntshaw luas vaaj luas tsev, luas quaspunj quasyawg, luas tub maab tub qhe, luas tsaj luas txhuv lossws luas ib yaam daabtsw hlo le.

Xwm Txheej Taug Kev 11:4 Lwm haiv tuabneeg kws nrug cov Yixayee moog ua ke hov puab nqhes nqaj heev. Txawm yog cov Yixayee los puab puav leej ywg ywg has tas peb nqhes nqaj heev hwv lawm.

2 Kevcai 22:22 Yog pum ib tug yawm moog nrug lwm tug le quaspunj pw, mas muab ob tug kws sws ntxag hov tua kuas tuag. Ua le nuav mas mej txha le tshem tau kev phem tawm huv cov Yixayee moog.

2 Kevcai 30:6 Yawmsaub kws yog mej tug Vaajtsvv yuav pub lub sab kws txawj noog lug tsua mej hab mej tej mivnyuas, mej txha le npuab nwg hab noog nwg lug kawg sab kawg ntsws hab mej yuav tau nyob ntev huv lub tebchaws hov moog le.

Yauxua 7:21 Tej hov txhua chaw kws ntaus tau, mas kuv pum ib lub tsho Papiloo ntev zoo zoo nkauj hab ob puas txaj thes hab ib daim kub nyaav plaub caug tswb laag, mas kuv ntshaw cov hov tes kuv txawm coj lug, tej hov muab faus tsua huv kuv lub tsev ntaub, cov nyaj nyob hlo huv qaab.

Ntawv Nkauj 10:3 Cov tuabneeg phem tsuas yog khaav txug tej kev phem kws puab xaav ua hov, hab cov tuabneeg sab hlub kws xaav yuav lwm tug le kuj tshev hab saib tsw taug Yawmsaub.

Paaj Lug 1:19 Yug naab rog yuav tuag naab ncauj. Cov tuabneeg ua tub saab tub nyag yuav zoo ib yaam nkaus le hov.

Yelemi 31:33,34 Tej lug cog tseg tshab kws kuv cog tsua cov Yixayee yuav zoo le nuav. Kuv yuav ua kuas puab ncu ntsoov kuv tej kevcai hab kuv yuav sau tej kevcai hov tsua huv puab lub sab. Kuv yuav ua puab tug Vaajtsvv hab puab yuav ua kuv haiv tuabneeg. 34 Mas txwj hov moog tsw txug puab yuav qha puab hai tuabneeg kuas paub Yawmsaub, tsua qhov puab txhua tug puav leej yuav paub kuv, tsw has tug hlub tug yau huvsw. Kuv yuav zaam txem tsua puab hab kuv yuav tsw ncu ntsoov puab tej kev txhum ib zag le lawm. Kuv yog Yawmsaub, tej lug nuav yog kuv has.

Exekhee 34:2,3 tuabneeg tug tub ca le has Yixayee cov kev txwj quas laug lub txem. Koj has txug yaav tom hauv ntej tsua puab tas, kuv kws yog

Yawmsaub kws kaav ib puas tsaav yaam taag nrho has tsua puab tas, mej cov kws yug paab yaaj kws yog cov Yixayee, mej yuav puam tsuaj lauj, mej yug mej xwb mej tub tsw yug paab yaaj. 3 Mej noj yaaj le mig, mej naav ntaub plaub yaaj, mej tua tej yaaj kws rog rog noj, mej tub tsw yug yaaj le.

Hauxeya 4:12 Puab thov tej txoov daab ntoo qha puab paub yaam u yaam nua. Puab khov kuam saib tej kws puab xaav paub, puab ca ib tog nyuas ntoo ua tug qha puab. Puab tso kuv tseg, puab qaug qaus lag tsua txujkev pe luas daab qhuas yaam nkaus le tug quaspunj kws qaug quas lag tsua txujkev moog deev hluas nraug.

Hauxeya 5:4 Tej kev phem kws suavdawg ua mas thaiiv kev tsw kheev suavdawg lug cuag tau puab tug Vaajtsvv. Puab lub sab xwb tsua txujkev pe daab pe txoov daab, puab txha tsw kaam leeg yuav Yawmsaub.

Mikha 2:2 Thaus puab xaav tau luas laj a puab txawm moog txhaav ua puab tug. Thaus puab xaav tau luas vaaj tse puab txawm moog txeeb yuav. Tsw muaj leejtwg yuav tso sab tau has tas nwg tsev tuabneeg hab nwg tej cuab txhaj cuab taam yuav tsw pluj le.

Mikha 3:11 Qhov kws cov thawj kaav lub nroog nuav tu plaub hab kaav pejxeem yog puab tau tej nyaj kws luas coj tuaj xab puab, puab txha tu. Cov pov thawj xaav tau nqe zug tsaiv puab le maav txhais Vaajtsvv txuj kevcai. Cov xwbfwb cev Vaajtsvv lug xaav tau nqe zug xwb puab txha qha tej kws yuav muaj lug tsua tom hauv ntej. Cov ua thawj hab cov xwbfwb hab cov pov thawj nyag taug nyag tseem has tas Yawmsaub nrug nyag nyob. Puab has tas Yawmsaub nrug nraim peb, yeej yuav tsw muaj ib yaam xwm daabtsw lug raug peb le.

Hanpaku 2:9 Mej tej vej sub vej sw lug raug mej lawm lauj. Tej kws mej moog lws tau luas le ua tsua mej tsev tuabneeg nplua nuj taag, hab mej tseem xaav ua kuas mej tau zoo noj tau zoo nyob tso sab quas lug tsw ntshai daabtsw le.

Mathai 5:28 kuas nwgnuav kuv qha tsua mej has tas, yog leejtwg saib ib tug quaspunj hab xaav huv lub sab tas, kheev tau ntxag tug quaspunj ntawm, nwg saib le ntawm kuj txhum, tsua qhov nwg lub sab tub moog deev tug quaspunj hov lawm.

Malakau 4:19 Kuas puab tej kev ntxhuv sab, kev ntshaw nyaj ntshaw txaj hab ntshaw yaam u yaam nua hlub tuaj laum Vaajtsvv txujlug lawm, tes puab lub neej txha tsw tawg paaj txw txvw.

Malakau 7:22 ntshaw luas tug, ua ib puas tsaav yaam phem, daag ntxag, ua phem ua qas, xyaav lwm tug moo, sws khib, khaav theeb, hab ua zoo le tuabneeg ruag,

Luka 3:14 Cov tub rog muaj qee leej nug Yauhaa ib yaam nkaus has tas, ua le ais peb nev, peb yuav ua le caag. Yauhaa teb puab has tas, mej tsw xob txhaav leejtwg le nyaj hab tsw xob ua cuav tim khawv kom luas tej, mej tau nyaj hli npaum le caag mej yuav tsum txaus sab yuav npaum le ntawm

xwb.

Luka 12:15 Yexu txawm has tsua suavdawg has tas, mej yuav tsum ceev faaj zoo tsw xob ca mej lub sab ntshaw yaam u yaam nua, txawm yog yug muaj nyaj txag hov txhua chaw ntau npaum le caag los tej hov yeej paab tsw tau yug txujsa.

Luka 16:14 Thaus cov Falixai nov Yexu qha tej ntawm, puab txawm luag zum quas zawg, tsua qhov puab yeej yog cov kws nyam nyaj txag.

Yauhaa 8:44 Mej txwv yog Daab Ntxwg Nyoog. Mej txha nyam ua lawv le mej txwv lub sab. Txwj thau u lug Daab Ntxwg Nyoog yog tug kws tua tuabneeg. Nwg yeej tsw ua lawv le qhov tseeb, tsua qhov nwg tsw nyam qhov tseeb. Tej lug kws nwg has yog daag xwb, tsua qhov nwg yeej yog tug nam daag. Txhua lu lug daag puav leej tawm huv Daab Ntxwg Nyoog qhov ncauj lug.

Cov Tubkhai Teg Num 20:33 Kuv yeej tsw ntshaw leejtwg tej nyaj tej kub lossws tej rwg tsho naav lug ua kuv tug.

Loo 1:24-29 Tub yog vem tuabneeg ruag ua luaj le nuav Vaajtsvv txha ca puab moog ua phem ua qas lawv le puab lub sab nyam. Puab ib leeg ua dev ua npua tsua ib leeg tsw paub txaaj muag le. 25 Tub tswm nyog puab ntseeg tej lug tseeb kws has txug Vaajtsvv, kuas puab tsua moog ntseeg tej nam lug daag. Tub tswm nyog puab pe Vaajtsvv kws tswm ib puas tsaav yaam, kuas puab tsua pe hab teev tej kws Vaajtsvv tswm xwb, puab tsw pe Vaajtsvv. Tswm nyog suavdawg yuav tsum fwm Vaajtsvv moog ib txhws le. Amee. 26 Tub yog vem tuabneeg ua phem le nuav Vaajtsvv txha ca tuabneeg moog ua-dev ua npua lawv le tuabneeg lub sab nyam. Txawm yog tej quaspunj los puab ib leeg kuj deev ib leeg, lawv le ib txwm yeej tsw muaj le ntawm ib zag le. 27 Quasyawg kuj ua ib yaam nkaus le quaspunj hab. Lawv le ib txwm quaspunj hab quasyawg txha le ua tau nam txwv xwb, kuas tej txwv neej puab tso qhov ntawm tseg, puab ib leeg deev ib leeg, tsw paub txaaj muag le. Yog le hov Vaajtsvv txha rau txem tsua puab. 28 Tub yog vem tuabneeg tsw kaam leeg has tas, muaj Vaajtsvv, Vaajtsvv txha ca puab moog ua phem ua qas lawv le puab lub sab nyam. Yog le hov puab txha moog ua tej kws tsw tswm nyog ua. 29 Puab naj nub ua ib puas tsaav yaam phem, puab sab hlub, puab ua nruij ua tswv, sws khib, tua tuabneeg, sws caav sws tshe, daag ntxag, taug xai,

Loo 6:12 Mej tsw xob kheev txujkev txhum kaav mej lub cev kws txawj tuag, tsua qhov txujkev txhum yeej yuav ua tsua mej ua phem lawv le mej lub sab nyam.

Loo 7:7 Yog kuv laam has tas, Vaajtsvv txuj kevcai yog txuj kws ua tsw zoo, yeej has tsw tau. Vaajtsvv txuj kevcai yog txuj kws qha kuv paub qhov zoo qhov phem. Yog Vaajtsvv txuj kevcai tsw qha has tas, tsw xob ntshaw luas tug, kuv yeej tsw paub has tas, ntshaw luas tug nua txhum.

Loo 13:9 Vaajtsvv txuj kevcai qha has tas, tsw xob ntxag luas quaspunj luas quasyawg, tsw xob tua tuabneeg, tsw xob ua tub saab, tsw xob ntshaw

Iuas tug. Txhua nqai nuav hab lwm nqai kws tsw tau sau tsua nuav los puav leej muab sau zog lug ua ib nqai has tas, mej yuav tsum hhub kwvtij zej zog ib yaam le mej hhub mej lub cev.

Loo 13:14 Kuas peb yuav tsum ca tug tswv Yexu Kheto kaav peb lub cev hab tu peb lub sab kuas zoo ib yaam le nwg, hab peb tsw xob quav ntsej tej kev phem kev qas kws peb lub sab yuam peb ua.

1 Kauleethau 5:10,11 Kuv has le nuav tsw yog kuv has txug cov tuabneeg kws tseem coj qub kevcai kws nyam ua nkauj ua nraug, hab xaav yuav iuas tug, hab ua txhum num tswv kevcai, hab pe daab hab pe txoov daab. Yog mej tsw nrug cov tuabneeg hov nyob ua ke, mej yeej yuav tsum tawm huv nplajteb nuav moog nyob lawm lwm qhov xwb. 11 Kuas kuv has tas, mej tsw xob moog koom tug kws ua txuj has tas, nwg yog tug kws ntseeg Vaajtsvv, yog nwg tseem nyam ua nkauj ua nraug, xaav yuav iuas tug, pe daab pe txoov daab, nyam thuaj lwm tug, quav dej quav cawv, ua txhum num tswv kevcai, tes txawm yog noj mov los mej tsw xob nrug nwg koom tsum hlo le.

1 Kauleethau 6:9,10 Mej tub paub lawm tas, cov tuabneeg kws sab phem yeej tsw tau lug ua Vaajtsvv le tuabneeg ib zag le. Yug tsw xob rov daag yug. Cov tuabneeg kws nyam ua nkauj ua nraug, hab cov tuabneeg pe daab hab pe txoov daab, hab cov tuabneeg kws ntxag iuas quaspuj iuas quasyawg, txwv neej deev txwv neej, 10 cov tuabneeg ua tub saab tub nyag, xaav yuav iuas tug, quav dej quav cawv, thuaj lwm tug, ua txhum num tswv kevcai, puav leej tsw muaj ib tug tau lug ua Vaajtsvv le tuabneeg hlo le.

1 Kauleethau 10:6 Qhov kws puab tuag hov qha kuas peb tsw xob ntshaw tej kws phem ib yaam le puab cov ntawm ntshaw.

1 Kauleethau 12:31 Mej yuav tsum muab tsua sau sab nrhav tej tswvyim kws tseem ceeb kawg nkaus. Kuas nwgnuav kuv yuav qha ib qho kws zoo tshaaj tej ntawm huvsw tsua mej.

1 Kauleethau 14:39 Yog le ntawm cov kwvtij, mej yuav tsum muab tsua sau sab thov Vaajtsvv pub tswvyim tsua mej cev Vaajtsvv lug, kuas yog muaj tuabneeg xaav has lug txawv txawv mej tsw xob txwv.

2 Kauleethau 9:5 Yog le hov kuv txha xaav has tas, ca thov cov kwvtij ntawm ua kuv ntej tuaj nraag mej, es ca puab sau cov nyaj kws mej tub xub has tseg lawm tas, mej yuav muab tsua peb. Thaus kuv tuaj txug, mej txha npaaj txhwj. Yog mej ua le ntawm puab yuav pum has tas, mej yeej zoo sab quas hlo pub, tsw yog kuv yuam mej.

Kalata 5:16-20 Kuv qha tsua mej has tas, mej yuav tsum ca Vaajtsvv tug Ntsuj Plig kaav mej, mej tsw xob ca mej lub sab kaav mej ib zag le. 17 Tsua qhov tuabneeg lub sab tsw nyam tej kws Vaajtsvv tug Ntsuj Plig nyam, hab Vaajtsvv tug Ntsuj Plig tsw nyam tej kws tuabneeg lub sab nyam. Tuabneeg lub sab hab Vaajtsvv tug Ntsuj Plig yeej ua yeeb ncuab lawm, mas tej kws mej xaav ua mej txha ua tsw tau. 18 Yog Vaajtsvv tug Ntsuj Plig coj mej kev tes Vaajtsvv txuj kevcai tsw muaj fwjchim kaav mej

lawm. 19 Suavdawg yeej paub tej kws tuabneeg lub sab nyam ua. Tej ntawm yog ntxag hluas nkauj hluas nraug, kev phem kev qas, 20 pe daab pe txoov daab, ua neeb ua yaig, ua khawv koob yeeg swv. Tuabneeg ua yeeb ncuab, sws tshe sws ntaus, sws khib, sws chim, xaav ua luj, sws faib ua paab ua pawg,

Kalata 5:24 Cov kws ntseeg Yexu Kheto tub muab puab lub sab hab tej kev phem kws puab lub sab nyam ua, huvsw lug teem tsua tug ntoo khaublig lawm.

Efexau 2:1-3 Yaav tom ntej u mej zoo le cov tuabneeg kws tuag lawm, tsua qhov mej tsw noog Vaajtsvv lug, hab mej ua txhum. 2 Thaus hov mej nyam ua txhum ib yaam le tej tuabneeg kws nyob huv nplajteb nuav naj nub ua, hab mej ua lawv le tug kws kaav sau nruab ntug qha mej ua. Tug hov yog tug Daab Ntxwg Nyoog kws nwngnuav kaav cov tuabneeg kws tsw noog Vaajtsvv lug. 3 Txawm yog peb cov los yaav tom ntej peb tub ua ib yaam le puab hab, peb ntshaw kev phem kev qas hab ua lawv le peb lub cev lub sab kws ib txwm nyam ua xwb, mas Vaajtsvv txha yuav rau txem tsua peb ib yaam le Vaajtsvv rau tsua lwm tug.

Efexau 4:19 Puab tsw txaaj muag. Puab tso puab lub cev moog ua kev phem kev qas, puab tsw paub tswj puab lub sab, hab puab ua ib puas tsaav yaam kws tsw tswm nyog ua.

Efexau 4:22-27 Mas mej yuav tsum muab mej lub sab qub kws mej ib txwm ua lug lawm tso pov tseg. Lub sab qub kws naj nub ntxag kuas mej nyam ua kev phem kev qas saamswm yuav puam tsuaj moog. 23 Mej yuav tsum ca Vaajtsvv pub lub sab tshab tsua mej. 24 Mej yuav tsum muab lub sab tshab lug coj. Lub sab tshab ntawm Vaajtsvv tswm zoo le Vaajtsvv tug yaam ntxwv, suavdawg txha pum tseeb has tas, mej ua ncaaj ua nceeg hab zoo kawg nkaus tag tag. 25 Yog le ntawm mej tsw xob daag lawm. Txhua tug yuav tsum has lug tseeb tsua kwvtij suavdawg, tsua qhov peb cov ntseeg suavdawg puav leej yog tej teg taw kws koom Yexu Kheto lub cev. 26 Yog thaus twg mej chim, mej tsw xob kheev qhov kws mej chim ntawm ua tsua mej ua txhum, hab tsw xob chim taag nub. 27 Tsw xob kheev Daab Ntxwg Nyoog tau kev ntxag mej.

Efexau 5:3,5 Vem mej yog Vaajtsvv le tuabneeg lawm, tsw tswm nyog mej yuav ua nkauj ua nraug, ua kev phem kev qas hab ntshaw luas tug. Taab yog mej yuav has txug xwb los tub tsw tswm nyog has. 5 Kuv qha tseeb tsua mej has tas, cov tuabneeg kws ua nkauj ua nraug, ua kev phem kev qas, hab cov tuabneeg kws xaav yuav luas tug mas yuav tsw muaj ib tug tau nyob huv Yexu Kheto hab Vaajtsvv lub tebchaws hlo le. Tug kws xaav yuav luas tug mas nwg saib tej kws nwg xaav yuav hov tswm txaj dua Vaajtsvv.

Kaulauxai 3:5 Yog le ntawm, tej kev phem kev qas kws mej lub sab nyam ua, mej yuav tsum muab tso pov tseg. Tsw has kev nkauj kev nraug los yog, ua dev ua npua los yog, xaav ntxag luas quaspuj luas quasyawg los yog,

nyam ua phem los yog, sab hlub los yog, tug tuabneeg sab hlub nwg yeej saib yaam kws nwg xaav yuav tswm txaj dua Vaajtsvv.

1 Thexalaunike 2:5 Mej tub paub lawm tas, thaus peb tuaj qha mej peb tsw tau laam qhuas leejtwg, hab tsw tau ntxag mej le daabtsw yuav. Peb has le nuav Vaajtsvv yeej paub has tas, peb has tseeb xwb.

1 Thexalaunike 4:3-7 Vaajtsvv xaav kuas mej ua zoo kawg nkaus, tsw xob ua nkauj ua nraug hlo le txha hum Vaajtsvv sab. 4 Thaus mej yuav quaspuj mej yuav tsum ua kuas Vaajtsvv tau koob meej, hab tsw xob ua tsua lwm tug tau chaw thuaj. 5 Cov tuabneeg kws tsw paub Vaajtsvv puab lub sab ntshaw ua phem ua qas, mej tsw xob ua lub sab zoo le puab. 6 Mej yuav tsum ncu ntsoov zaaj nuav, mej tsw xob ua nkauj ua nraug ib zag le. Yog mej ua nkauj ua nraug mej yeej yuav ua txhum tsua lwm tug xwb. Yaav tom ntej peb tub qha tseeb tseeb tsua mej paub lawm tas, Vaajtsvv yuav rau txem tsua cov tuabneeg kws ua txhum le hov. 7 Vaajtsvv hu peb lug ua tuabneeg zoo tsw yog hu peb lug ua nkauj ua nraug.

1 Timaute 3:3,8 Tsw yog tuabneeg quav cawv lossws tuabneeg sab heev, yuav tsum yog tug kws ua sab ntev, tsw nyam sws caav sws tshe, tsw ntshaw nyaj txag. 8 Tug ntseeg kws paab ua Vaajtsvv teg num yuav tsum zoo ib yaam nkaus le tug kws saib cov ntseeg hab. Nwg yuav tsum yog tug kws tsw muaj ob lub sab, tsw qaug dej qaug cawv hab tsw ua sab hlub xaav yuav ntau ntau.

1 Timaute 6:9,10 Kuas cov tuabneeg kws xaav nplua nuj, daab yuav ntxag tau puab moog maag daab lub vuj hlua. Puab yuav laam ua phem hab ua tej kws yuav ua tsua puab raug kev txom nyem. Tej kev phem kws puab ua hov yuav nqug tuabneeg moog tsua qhov puam tsuaj. 10 Qhov kws tuabneeg ntshaw nyaj txag yog ib qho kws ua tsua tuabneeg ua ib puas tsaav yaam phem. Muaj qee leej tso Vaajtsvv tseg lawm, hab puab rov ua tsua puab raug ntau yaam kev txom nyem, tub yog vem puab xaav tau nyaj ntau heev.

2 Timaute 2:22 Koj tsw xob ua sab heev le cov hluas ib txwm ua. Koj yuav tsum ua tuabneeg ncaaaj nceeg, muab tsua sau sab ntseeg, hlub lwm tug hab nrug suavdawg sws raug zoo. Koj yuav tsum ua zoo le cov tuabneeg kws ua hum Vaajtsvv sab lawm ua. Puab yog cov kws naj nub thov Vaajtsvv paab puab.

2 Timaute 3:2,6 tsua qhov tej tuabneeg nyag yuav xaav txug nyag xwb, puab yuav xaav tsw txug lwm tug le. Puab yuav ntshaw nyaj txag, yuav khaav theeb, yuav nyam thuaj lwm tug, tsw noog nam txwv lug, tsw rws luas txaj hab saib tsw taug Vaajtsvv tej kevcai. 6 Cov tuabneeg hov muaj qee leej pheej moog huv luas tej tsev moog ntxag tej quaspuj sab muas kws pheej txhawj tsua tej kev txhum, hab tseem xaav ua phem lawv le puab lub sab nyam ua, lug ua cov tuabneeg ntawm paab.

2 Timaute 4:3 Tsua qhov tshuav tsw ntev yuav muaj tuabneeg tsw kaam noog Vaajtsvv txujlug. Puab yuav ua lawv le puab lub sab nyam, hab yuav moog

nrhav ntau tug xwbfwb lug qha tej zaaj kws puab nyam noog.

Titau 2:12 Vaajtsvv ua le hov tub yog nwg xaav kuas peb noog nwg lug, hab tso kev phem kev qas pov tseg, hab kuas peb paub tswj peb lub sab hab ua tuabneeg ncaaj nceeg hab ua kuas Vaajtsvv tau koob meej.

Titau 3:3 Koj yuav tsum qha tej nuav tsua suavdawg tsua qhov yaav tom ntej peb yeej yog tuabneeg ruag, tuabneeg tawv ncauj, tuabneeg ua txhum. Peb qaug sab tsua kev phem kev qas hab tsua ib puas tsaav yaam kev lom zem. Peb lub sab naj nub xaav phem, ntshaw luas tug hab ib tug ntxub ib tug.

Heplais 13:5 Mej tsw xob qaug sab tsua nyaj tsua kub, mej muaj npaum le caag mej ca le txaus sab tsua tej kws mej muaj. Tsua qhov Vaajtsvv has tas, kuv yuav tsw tso koj tseg hab tsw muab koj pov tseg ib zag le.

Yakaupau 1:14,15 Kuas tug kws yuam kev ua txhum yeej yog nwg lub sab kws nyam qhov phem coj nwg moog ua txhum nwg txha yuam kev. 15 Nwg lub sab kws xaav ua phem yeej yuav coj nwg moog ua txhum, thaus nwg ua txhum lawm, nwg yuav raug kev pluj kev tuag.

Yakaupau 4:1-5 Yog daabtsw ua tsua mej sws ntaus sws tua, hab ua tsua mej sws caav sws tshe. Tsw yog tej kev phem kev qas kws nyob huv mej lub sab ua tsua mej ua le ntawm los. 2 Mej xaav yuav yaam nuav yaam u, kuas tsw tau tes mej txawm yuav tua luas pov tseg. Mej ntshaw luas tug, kuas tsw tau, tes mej txawm sws caav sws tshe, sws ntaus sws tua. Tej kws mej xaav yuav los mej tsw tau, tsua qhov mej tsw thov Vaajtsvv. 3 Thaus mej thov mej tsw tau, tsua qhov mej lub sab phem, tej kws mej thov ntawm mej yuav coj moog swv lawv le mej lub sab nyam xwb. 4 Cov nam tuabneeg sab phem, mej tsw paub has tas, cov tuabneeg kws ua le tuabneeg nplajteb ua, tub yog puab ua yeeb ncuab tsua Vaajtsvv lawm. Yog le ntawm tug kws ua le tuabneeg nplajteb ua, tub yog nwg txhab txwm ua yeeb ncuab tsua Vaajtsvv. 5 Muaj lug sau ca tsua huv Vaajtsvv phoo ntawv has tas, lub sab kws Vaajtsvv pub tsua peb, mas xaav yuav yaam u yaam nua-heev. Mej tsw xob xaav has tas, lu lug ntawm tsw tseeb.

1 Pestus 1:14 Yaav tom ntej kws mej tseem tsw tau paub Vaajtsvv, mej naj nub nyam ua txhum, kuas nwgnuav mej yuav tsum noog Vaajtsvv lug, mej tsw xob ca tej kev phem kev qas kaav mej lub sab.

1 Pestus 2:11 Cov kwvtij, thov mej noog tej lug kws kuv qha mej. Mej tsw muaj vaag tsw muaj tse nyob huv nplajteb nuav, mej zoo yaam le cov tuabneeg kws tuaj ua qhua xwb. Mej tsw xob ca tej kev phem kev qas kws naj nub tawm tsaam mej kaav mej lub sab.

1 Pestus 4:2-4 Yog le ntawm txwj nuav moog mej yuav tsum ua lawv le Vaajtsvv lub sab nyam. Mej tsw xob ca kev phem kev qas kaav mej lub sab. 3 Yaav tom ntej mej naj nub ua le cov tuabneeg kws tsw ntseeg Vaajtsvv ua, kuas nwgnuav mej tsw xob ua le ntawm lawm. Yaav tom ntej mej nyam ua phem ua qas, mej quav dej quav cawv, noj tsau haus qaug qw ua nqaaj ua nqug hab pe daab pe txoov daab kws yog ua txhum Vaajtsvv

kevcai. 4 Nwgnuav cov tuabneeg kws tsw ntseeg Vaajtsvv xaav tsw thoob sov ua caag mej tsw nrug puab moog ua phem ua qas. Yog le ntawm puab txha thuaj mej.

2 Pestus 1:4 aajtsvv cog lug tseg has tas, nwg yuav muab nwg txuj koob txuj moov kws zoo kawg nkaus tsua peb sub mej lub sab txha zoo ib yaam le Vaajtsvv lub. Nwg ua le hov kuas mej txhua tug kws tau txuj koob txuj moov hov txha dim kev puam tsuaj. Qhov kws muaj kev puam tsuaj hov vem yog tuabneeg nplajteb xaav phem xaav qas.

2 Pestus 2:3 Cov cuav xwbfwb hov ua sab hlub, puab yuav has tej zaaj kws tsw tseeb ntxag mej kuas puab tau zoo xwb, tug kws yuav teem txem tub yuav teem txem tsua puab ntxuv lug lawm, hab tug kws yuav ua kuas puab puam tsuaj nwg tub npaaj txhwj lawm.

2 Pestus 2:9-19 Yog le ntawm peb txha paub has tas, Vaajtsvv paab tau cov tuabneeg kws ncaaj nceeg kuas puab dim puab tej kev ntxhuv sab. Hab Vaajtsvv muab tau cov tuabneeg kws ua txhum kaw ca moog txug nub kws Vaajtsvv txav txem tsua puab. 10 Thaus Vaajtsvv teem txem tsua suavdawg, Vaajtsvv yuav teem txem tsua cov tuabneeg kws ua phem ua qas hab tsw fwm Vaajtsvv nyaav dua le nwg teem tsua suavdawg. Cov cuav xwbfwb puab lub sab tawv hab puab nyam ua lawv le puab lub sab xwb. Puab saib tsw taug cov tuabkhai sau ntuj. 11 Cov tubkhai sau ntuj muaj zug hab muaj fwjchim luij dua cov cuav xwbfwb hov los puab tub tsw thuaj hab tsw kom tsua Vaajtsvv has tas, cov cuav xwbfwb hov ua txhum. 12 Kuas cov cuav xwbfwb hov puab ua lawv le puab lub sab nyam xwb. Puab ruag ib yaam le tej tsaj kws yug lug tsua luas cuab luas tua. Puab thuaj tej kws puab tsw to taub. Puab yuav raug kev puam tsuaj ib yaam le tej tsaj nruab nraag. 13 Puab yuav raug kev txom nyem tsua qhov puab tub ua tsua lwm tug txom nyem lawm. Txawm yog nruab nub quas lug los puab ywj ua phem ua qas, noj haus qw ua nqaaj ua nqug. Puab has tas, tej kws puab ua hov ua tsua puab zoo sab kawg le. Thaus puab nrug mej noj mov ua ke puab ua phem ua qas tsua ntawm mej xub ndag. Puab ua le ntawm tsua qhov puab yeej nyam tej kws puab ua. 14 Puab nyam ntxag tej quaspuj coj moog ua phem ua qas. Puab naj nub ua txhum tsw paub dhuav le. Puab ntxag cov tuabneeg kws tsw tshua muaj tswvyim moog ua txhum. Puab xyum ua tuabneeg sab hlub. Vaajtsvv tub foom tsw zoo tsua puab lawm. 15 Puab tso txujkev ncaaj nceeg tseg, puab txha yuam kev moog ua txhum ib yaam le Npauxau tug tub Npala-aa Npala-aa ua txhum tsua qhov nwg ntshaw tej nyaj ntawm txujkev phem. 16 Nwg txha raug tshev has tas nwg ua txhum lawm, yog muaj ib tug luij txwv has tau lug le tuabneeg, txwv tsw kheev nwg moog ua dog ua dig le tej tuabneeg vwm ua. 17 Cov cuav xwbfwb hov zoo ib yaam le lub qhov dej kws qhuav lawm, hab zoo ib yaam le tauv fuab kws cua ntsawj yaa taag lawm. Vaajtsvv tub npaaj lub chaw kws tsaus ntuj quas nti ca tsua puab lawm. 18 Puab nyam has lug ua dog ua dig tsw muaj qaabhau, hab khaav theeb, hab ua phem ua qas ntxag

cov tuabneeg kws nyav tso txujkev txhum tseg kuas rov qaab yuam kev ua txhum. 19 Puab cog lug tsua cov tuabneeg ntawm has tas, puab yuav paab kuas cov tuabneeg ntawm tau nyob kaab ntsaab. Txawm yog puab has le hov los puab tseem ua txujkev puam tsuaj qhev. Tsua qhov tug kws nti tsw dim yaam kws khi nwg, tes nwg yeej ua yaam ntawm qhev.

2 Pestus 3:3 Thawj lu kws kuv yuav qha mej yog le nuav, thaus txug lub swmhawm kawg yuav muaj tuabneeg thuaj mej. Cov tuabneeg hov yuav ua phem ua qas lawv le puab lub sab nyam.

1 Yauhaa 2:15-17 Mej tsw xob nyam nplajteb hab tsw xob nyam ib yaam daabtsw kws yog nplajteb le. Yog mej nyam nplajteb le lawm mej yeej tsw nyam leej txwv kws hlub mej. 16 Ib puas tsaav yaam kws yog nplajteb le, tsw has tej kws tuabneeg lub sab phem ntshaw, hab tej kws tuabneeg qhov muag pum es xaav yuav, hab txhua yaam huv nplajteb kws tuabneeg qhuas has tas, yog yaam kws tseem ceeb, tej ntawm puav leej yog nplajteb le, tsw yog leej txwv le. 17 Lub nplajteb hab ib puas tsaav yaam huv nplajteb kws tuabneeg ntshaw saamswm yuav pluj moog, kuas tug kws ua lawv le Vaajtsvv lub sab nyam nwg yuav tau nyob moog ib txhws le.

Yuta 1:11 Puab yuav raug kev txom nyem laub. Puab ua txhum ib yaam le Khayee ua. Qhov kws puab ua txhum tub yog puab ntshaw nyaj ib yaam le Npala-aa ntshaw. Puab ntxeev sab tsua Vaajtsvv ib yaam le "Khaul, puab txha raug kev puam tsuaj.

Yuta 1:15-19 Nwg yuav teem txem tsua suav- dawg hab rau txem tsua txhua tug tuabneeg txhum kws tsw ntseeg Vaajtsvv, lawv le tej kws puab tau ua lug lawm hab tej lug kws puab thuaj Vaajtsvv. 16 Cov tuabneeg ntawm nyam ywg. Txawm yog puab tau zoo npaum le caag los tsw txaus puab sab. Puab ua phem lawv le puab lub sab nyam. Puab khaav theeb hab ua txuj qhuas lwm tug kuas puab tau zoo xwb. 17 Cov kwvtij, mej yuav tsum ncu ntsoov tej lug kws peb tug tswv Yexu cov tubkhai tub qha tsua mej lawm. 18 Puab qha tsua mej has tas, thaus txug lub swmhawm kawg yuav muaj tuabneeg saib tsw taug mej. Cov tuabneeg hov nyam ua phem lawv le puab lub sab nyam. 19 Cov tuabneeg ntawm yog cov kws ua tsua suavdawg tsw sws hum, puab lub sab phem kaav puab, tsw yog Vaajtsvv tug Ntsuj Plig kaav.

Qha Tshwm 18:14 Tej tub laag tub luam has tsua lub nroog ntawm has tas, ib puas tsaav yaam zoo zoo kws koj ntshaw tub pluj taag lawm. Koj tej hov txhua chaw hab tej nyaj kub kws ci ntsaa quas ab puav leej poob taag, koj yuav nrhav tsw tau tej ntawm rov lug dua ib zag le lawm.